

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1908953488, 1908955142 որոշումներն անփոփոխ, իսկ գանգատն առանց բավարարման թողնելու մասին

<< 01 >> 02 2019թ. 17-4 - 383

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Գաբրիել Տեր-Կարապետյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Գաբրիել Տեր-Կարապետյանը դիմումով հայտնել է, որ վարել է OPEL մակնիշի 34TP493 համարանիշի տրանսպորտային միջոցը և խնդրել նշված տրանսպորտային միջոցով կատարված իրավախախտումներով կայացված թիվ 1908953488, 1908955142 որոշումները վերահասցեագրել իրեն:

«Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին» ՀՀ օրենքի 7-րդ հոդվածի 6-րդ մասի համաձայն գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, բնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները: Եթե տրանսպորտային միջոցն օգտագործվում է գրավոր պայմանագրի հիման վրա, ապա գանգատին (բողոքին կամ հայցադիմումին) պետք է կցվի նաև պայմանագրի պատճենը:

Նյութերի ուսումնասիրության ընթացքում պարզվել է, որ Գաբրիել Տեր-Կարապետյանի կողմից ներկայացված ապացույցները չեն հիմնավորում թիվ 1908953488, 1908955142 որոշումներով ամրագրված իրավախախտումները վերջինիս կողմից կատարված լինելու փաստը, քանի որ չի պահպանել վերոնշյալ իրավանորմով սահմանված պայմանները, չեն ներկայացվել տրանսպորտային միջոցի սեփականատիրոջ անձնագրի և տրանսպորտային միջոցի հաշվառման փաստաթղթի պատճենները, իսկ ներկայացված փաստաթղթերը վերաբերվում են այլ տրանսպորտային միջոցի:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1908953488, 1908955142 որոշումները թողնել անփոփոխ, իսկ գանգատն՝ առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակներն ուղարկել Գաբրիել Տեր-Կարապետյանին (հասցեն՝ ք.Երևան, Ա.Ահարոնյան փ., 62 տ.), տրանսպորտային միջոցի սեփականատեր Ռաֆֆի Աբրահանի Հարությունին (հասցեն՝ ք.Երևան, Գր.Արծրունու փ., 902., 3բն.) և ՏՄՀԽԱ կենտրոն:

